

A Turitg ei Maria Decurtins da Bugnei morta en la vegliadetgna da 46 onns.

Necrolog:

La buna e legra Maria luvrava a Turitg tier la fatschenta Globus. Tuccada d'ina malsogna dil magun, serenda ella cun tutta curascha el spital a Turitg per schar operar. L'operaziun gartegia stupent, mo suenter semida ei. Ils nov da quest ei quella buna giuvna morta. Il viadi terrester ei staus memia cuorts per nossa Maria. Ella ei naschida ella biala e sulegliva ucliva da Bugnei sco siatavel affon ils buns geniturs Sep Antoni e Brida Decurtins nata Cathomen. Ensemen cun ses fargliuns fa ella cun plascher la pura e gida siu frar Betti tochen 1957. Naschida ils 19 da fevrer 1923 havess ella aunc pudiu viver biars onns. Denton ha il zenn cun tun lamentond annunziau la mort prematura.